



22. okt. 2020

Inatsisartut suleriaasianni § 37, imm. 1 naapertorlugu Naalakkersuisunut ima apequtissaqarpunga:

### **Naalakkersuisunut apeqqutit:**

- 1. Piffissami 2010-miit 2020-mut Namminersorlutik Oqartussat Nuummi inissiaatai attartortittakkat Inissiaatileqatigiiffillu INI-mit ingerlanneqartut agguaqatigiisillugu inimut akiliut kiisalu agguaqatigiisillugu inimut akiliutitut iluarsiiisut paasissutissiissutigineqaqqullugu Naalakkersuisunut noqqaassutigineqarpoq. Agguaqatigiisillugu inimut akiliut iluarsiiisutaasartorlu kvadratmeterimut koruuninngorlugu procentinngorlugulu ukiumiit ukiumut qanoq innersoq paasissutissiissutigeqquneqarpoq.**
- 2. Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumi, kingusinnerusukkat allannguuteqartumi, paragraffeq/-fit sorleq/-liit naapertorlugu/-git ineqarnermut akiliut suna imaluunniit qanoq qaffasissuseqassanersoq allaaserineraat Naalakkersuisunut paasissutissiissutigineqaqquvoq, attartornermut naatsorsuineq aamma attartornermi allannguutaasinnaasut pillugit ilimasaarisarneq eqqarsaatigalugit.**
- 3. Attartornermut akileeqqusissuteqarnikkut isertitat Namminersorlutik Oqartussat Nuummi inissiaataasa attartortittakkat ilaatigut naleqassusaasa attatiinnarnissaannut aserfallakkiartunnginnissaannullu ingerlatsinermut aserfallatsaaliuinernullu naammannersut Naalakkersuisut uppersarsinnaavaat?**
  - a. Taamaappat Namminersorlutik Oqartussat Nuummi inissiaataasa ineqarnermut akiliutip iluarsiivigineqarnissaannut sukumiisumik qanimullu pilersaaruteqarnersut Naalakkersuisut paasissutissiissutigeqquneqarput aamma iluarsiiineq procentinngorlugu paasissutissiissutigeqquneqarluni.**
  - b. Taamaangippat naammattumik ineqarnermut akileeqqusisoqartarnissaanut malittarisassat suut Naalakkersuisunit piunasaqaataasut saneqqutaarneqarnersut paasissutissiissutigeqquneqarpoq.**
- 4. Namminersorlutik Oqartussat Nuummi inissianik attartortittakkatulli ineqarnermut akiliut assigalugu inissianik attartortittakkanik amerlanerusunik Naalakkersuisut sanaartortitsinissaminnik pilersaaruteqarpat?**
  - a. Taamaappat sukumiisumik qanimullu pilersaarutinik peqarnersoq Naalakkersuisunut paasissutissiissutigeqquneqarpoq.**

**b. Taamaangippat Naalakkersuisut naliliinerat malillugu kommunip suliaasaatut isigineqarnerisooq Naalakkersuisunut paasissutissiissutigeqquneqarpoq.**

(Inatsisartuni ilaasortaq, Aqqaluaq B. Egede, Inuit Ataqtigiit)

**Tunngavilersuut:**

Kikkut tamarmik nalunngilaat Nuummi inissiaqarneq qanoq ilungersunartigisooq Nuummi annertuumik inissaaleqisoqarmat. Attartortut nalinginnaasut pisortat inissiaataannut ukiorpassuarni utaqqisariaqartarput imaluunniit namminersortut inissiaataannut ineqarnermut annertunerusumik akiliisariaqartarlutik.

Ullut suliffiusut qulit qaangiutsinnagit apeqquteqaatiga akineqassasooq kissaatigaara.